



Lembaga Minyak Sawit Malaysia
MALYSIAN PALM OIL BOARD (MPOB)

PELAWAAN ULASAN UMUM

- (A) CADANGAN TAMBAHAN SYARAT LESEN
(B) CADANGAN TAMBAHAN KRITERIA LESEN

KATEGORI LESEN YANG TERLIBAT:

1. KILANG BUAH KELAPA SAWIT (MF)
2. ESTET (ET)
3. KEBUN KECIL (SH)

Selari dengan perkembangan pesat industri sawit di Malaysia, MPOB sentiasa menjalankan kajian dan semakan semula undang-undang dan polisi yang mentadbir industri ini. Bagi memastikan industri sawit Malaysia bergerak seiring dengan permintaan sawit dunia, pensijilan Malaysian Sustainable Palm Oil (MSPO) akan dimandatorikan pada ketetapan berikut:

A. TAMBAHAN SYARAT LESEN	
Kategori Terlibat	Tarikh Kuatkuasa
Kilang Buah Kelapa Sawit (MF) dan Estet (ET) yang sedia mempunyai pensijilan RSPO	1 Januari 2019
Kilang Buah Kelapa Sawit (MF) dan Estet (ET) yang tiada pensijilan RSPO	1 Julai 2019
Kebun Kecil (SH)	1 Januari 2020

B. TAMBAHAN KRITERIA LESEN	
Kategori Terlibat	Tarikh Kuatkuasa
Kilang Buah Kelapa Sawit (MF) dan Estet (ET)	1 Julai 2019
Kebun Kecil (SH)	1 Januari 2020

Ulasan/komen terhadap cadangan-cadangan ini terbuka kepada umum selama 30 hari bermula dari 1 Oktober 2018 sehingga 31 Oktober 2018. Tuan/puan boleh menyalurkan ulasan dan justifikasi terhadap ulasan tuan/puan menggunakan Borang Ulasan Umum yang disediakan.

Pendapat tuan/puan sangat dihargai bagi menyumbang kepada kelestarian industri sawit Malaysia. Setiap ulasan tuan/puan akan dikaji dengan teliti.

Terima kasih atas perhatian tuan/puan.

CADANGAN TAMBAHAN KRITERIA LESEN:

- i) **KATEGORI KILANG BUAH KELAPA SAWIT (MF)**
- ii) **KATEGORI ESTET (ET); DAN**
- iii) **KATEGORI KEBUN KECIL (SH)**

Peruntukan Undang-Undang

Kuasa untuk menetapkan kriteria lesen adalah di bawah subperaturan 8(2) Peraturan-Peraturan Lembaga Minyak Sawit Malaysia (Pelesenan) 2005, seperti berikut:

"Pemohon hendaklah memberikan apa-apa maklumat dan dokumen untuk menyokong permohonan beserta dengan borang permohonan."

KATEGORI MF, ET DAN SH

- 1) "Pemegang lesen diberi tempoh enam (6) bulan dari tarikh lesen diluluskan untuk mempunyai pensijilan Minyak Sawit Mampan Malaysia (MSPO) daripada mana-mana badan pensijilan yang ditauliahkan oleh Standards Malaysia."

dan

- 2) "Kegagalan untuk mendapatkan pensijilan Minyak Sawit Mampan Malaysia (MSPO) daripada mana-mana badan pensijilan yang ditauliahkan oleh Standards Malaysia, membolehkan Lembaga tanpa terikat dengan mana-mana undang-undang membatalkan lesen tersebut."

CADANGAN TAMBAHAN SYARAT LESEN:

- i) **KATEGORI KILANG BUAH KELAPA SAWIT (MF)**
- ii) **KATEGORI ESTET (ET); DAN**
- iii) **KATEGORI KEBUN KECIL (SH)**

Peruntukan Undang-Undang

Kuasa untuk membuat penambahan syarat lesen adalah di bawah subperaturan 10(7) Peraturan-Peraturan Lembaga Minyak Sawit Malaysia (Pelesenan) 2005, seperti berikut:

"Lembaga boleh, pada bila-bila masa mengubah, menambah, memotong atau selainnya meminda syarat-syarat yang dikenakan pada lesen."

KATEGORI KILANG BUAH KELAPA SAWIT

- 1) "Pemegang lesen hendaklah pada setiap masa mematuhi kehendak dan keperluan yang terkandung dalam piawaian Minyak Sawit Mampan Malaysia (MSPO) di bawah Malaysian Standard MS 2530-4 terkini atau mana-mana standard yang ditentukan oleh Lembaga dan mendapat pengesahan dan perakuan daripada mana-mana badan pensijilan yang ditauliahkan oleh Standards Malaysia."

dan

- 2) "Pemegang lesen dikehendaki mempunyai pensijilan Minyak Sawit Mampan Malaysia (MSPO) daripada mana-mana badan pensijilan yang ditauliahkan oleh Standards Malaysia."

KATEGORI ESTET

- 1) "Pemegang lesen hendaklah pada setiap masa mematuhi kehendak dan keperluan yang terkandung dalam piawaian Minyak Sawit Mampan Malaysia (MSPO) di bawah Malaysian Standard MS 2530-3 terkini atau mana-mana standard yang ditentukan oleh Lembaga dan mendapat pengesahan dan perakuan daripada mana-mana badan pensijilan yang ditauliahkan oleh Standards Malaysia."

dan

- 2) "Pemegang lesen dikehendaki mempunyai pensijilan Minyak Sawit Mampan Malaysia (MSPO) daripada mana-mana badan pensijilan yang ditauliahkan oleh Standards Malaysia."

KATEGORI KEBUN KECIL

- 1) "Pemegang lesen hendaklah pada setiap masa mematuhi kehendak dan keperluan yang terkandung dalam piawai Minyak Sawit Mampan Malaysia (MSPO) di bawah Malaysian Standard MS 2530-2 terkini atau mana-mana standard yang ditentukan oleh Lembaga dan mendapat pengesahan dan perakuan daripada mana-mana badan pensijilan yang ditauliahkan oleh Standards Malaysia."

dan

- 2) "Pemegang lesen dikehendaki mempunyai pensijilan Minyak Sawit Mampan Malaysia (MSPO) daripada mana-mana badan pensijilan yang ditauliahkan oleh Standards Malaysia."